

UNICORN TIME

Wotsch z'Brislach dini Hütte saniere,
hätte mir euch über wo das cha realisiere.
D'Chuchi, die isch schnäll demontiert.
Mit'm Bagger ine, und dr Bode isch pulverisiert.
Und hesch denn ä Schutt-Problem
Gseh's die Lüt nit so extrem.
Mit'm Traktor ab i Wald die Afänger,
und schnäll abglade isch dä Ahänger.
Mit Tapeteföteli het d'Schmier i dä Medie gsuecht,
und z'Brislach bi zwei Herre ä Erfolg verbuecht
Drum singe si jetzt ä Chlagelied,
wie me d'Sissach putzt ä Naturschutzgebiet
Drum löht euch nit loh lumpen und o nit druf i,
bim Holzherr wer das alles billiger gsi



Wänn im Dezämber im Stedtli ä Bäumli brännt,
und s'wimmlet vo Zürcher, denn isch Art Advänt!
Auch die Schwoben tun nicht versuuren
und chömmen wegen denen Skulptuuren duuren.
Dr Elsässer tüets äu nit beräuä,
är cha drus, wrens nimm brüücht wird, ä Hiislä bäuä.
Mir passe mit eusem Sujet ganz guet drzue
Als Eihörner si mir einzig-Artig gnue

Die im Stadrot meine si sige die gröschte,
drum montiere si überall vo dene Pföschte.
Dr Lutz dä hauts glatt vom Hogger,
er frogt im Blettli, 'hei die ä Schrubbe logger'.
Er hebi die Pföschte nit welle,
drum sig er sie denn grad go zelle.
Mit sim Chaare muess er ringgeli-ränggeli fahre
und frogt sich muess denn d' Stadt Laufe nit spare?
Er meint, die cheibe Pföschte ghöre verbote
und die im Stadthuus sige alles Idiote.



Am Morge chömme si in Schaare,
mit'm digge Waage wird mä ahne gfare.
Keine het meh Bock zum laufe!
He jo, d'Schueh si z' tüür zum chaufe.
D'Chleider miesse o suuber bliibe,
drum heisst's am Mittag wider ischtiige.
Und Zobe löh si sich o schoffiere,
vo dene Mamitaxis, wo meine si brilliere.
Drum ä Tip, wärum mä sött laufe,
ä Gschpäni chasch nit im Lade chaufe.

Es wätteret im Wucheblatt s'Zemp Lotti
E chli meh Farbe und Blueme wotti!
Über d' Stadtpolizei schimpft si o,
die verteile Buesse s'isch zum Vögel becho.
Jetzt hei si ä neus farbigs Auto übercho,
drum hei si dr alt Chaare grad loh stoh.
Vo hingen vo links vo rächts und vo vorne,
gsehsch jetzt die zweh farbige Eihorne.



Im Stadroot git's allwäh nüt zum lache
packt mitz drin eine sini siebe Sache
dr Roman Buecher dä het nümme wellä
er würd jetzt doch lieber Schrübli zellä
d'FDP die stoht bitz uf dr Stross
si doch bedi Stadtröt parteielos



Dr Giovanni taut sine Auge nit
Italie macht a dr WM 2018 nit mit.
Sit 60 Joor a dr WM drbi
und jetzt luege si dä Schwede hinge dri.
Dr Luigi voller Emotione
bstellt jetzt ä Pizza Ändstazione
D'Holländer tüe o chlage
Bruche si jetzt o kei Wohnwage
Drum luege mir nit zue wie sie sich ruiniere
und hälfe dene zwe ä Grümpeli z'organisiere.

Im Kassesturz hei si kei Teschter.
S'Sportaktuell isch o vo geschter.
Im Meteo tie si d'Wätterkarte sälber mole.
Im Radio spiele si Lieder usem Netz gsthohle
D'Nochrichte die si o kei Vergniege
Muesch di mit em Vo Wattewyl begniege
Losch in Zuekunft dr Färnseh oder s'Radio a
Denn lidisch plötzlich Höllequale
Will kein meh wott dr Billag zahle.

d'EU und d'Amis die si am tobe,
hei Problem mit dä Chääre vo dä Schwobe,
es raucht und ruesst do chunnsch is Stutze,
gsehsch eine bi sim VW dr Uspuff putze.
Die Betroffene miesse go ä Update hole
und scho wärde ihne einigi PS gsthohle
d'Amis heusche Buesse, wie die Hohle,
aber Strom produziere die mit Chohle.
Dr Tesla vo dä Amis fahrt usem Stand
mit em Autopilot diräggt i d'Wand
mir wei eus s'Muul jetzt nüm verrisse
sölle doch alli efach ufhöre bschisse.

Us Lieschbrg chunt jetzt sone komische Gstank!
Mir glaube das hängt zämme mit ere Bank.
Dr Bieli, dä het d Schnauze voll!
Er findet halt WIR Gäld nit so toll.
I dr Biopower isch o nüt los,
und dr Säulibuur verteilt d'Gülle diräkt uf dr Stross.
D'Firma Vogelsanger het jetzt übernoh,
drum lö si ab und zue dr Äbfall lo stoh.
D'Duggiger chömme do o nüm drus
und schtiige doch glatt bi dr KELSAG us.
Mir würde do drzue o meine
Vo dr WIR Bank brucht's do hinge keine.

**NASEGRÜBLERGUGGE
LAUFEN1984**

